



Savez općina i gradova  
Federacije Bosne i  
Hercegovine

**Kongres lokalne samouprave Federacije Bosne i Hercegovine**

**"Odnos lokalnih i centralnih vlasti"**

**Neum, 6.-7. decembar 2007. godine**

**DEKLARACIJA**

**Kongres lokalne samouprave Federacije BiH**

**O temi:**

**"Odnos lokalnih i centralnih vlasti", održanog u Neumu**

**6.-7. decembar 2007. godine**

**DEKLARACIJA**

## KONGRESA LOKALNE SAMUPRAVE FEDERACIJE BiH

1. Kongres smatra neprihvatljivim, pravno i demokratski neutemeljenim, da Ustav kao najviši pravni akt jedne zemlje uopće ne tretira i ne poznaje pojam lokalne samouprave, te insistira da se u Ustavu BiH i Ustavu FBiH definiira posebna pozicija lokalne samouprave, a u skladu s principima Evropske povelje o lokalnoj samoupravi.
  2. U cilju implementacije Zakona o principima lokalne samouprave koji je po našem mišljenju postavio zakonski okvir za ostvarivanje potencijala lokalnih vlasti pozivamo organe FBiH i kantona u FBiH da pristupe usklađivanju drugih zakona i propisa s ovim zakonom. Pozivamo Ministarstvo pravde FBiH da pristupi realizaciji zaključaka Konferencije „ Implementacija Zakona o principima lokalne samouprave“ održane, 5. 6. 2007. godine, kojom je predviđeno osnivanje Koordinacionog tijela koje bi činili predstavnici Vlade FBiH, Parlamenta FBiH, kantonalnih vlasti i SOGFBiH s ciljem izrade Akcijskog plana implementacije Zakona o principima lokalne samouprave.
  3. Pozivamo više organe vlasti i SOGFBiH na partnerski dijalog u skladu s odredbama Zakona o principima lokalne samouprave i Evropske povelje u cilju efikasnog ostvarivanja naših funkcija, a u interesu građana.
  4. Pozivamo Vladu FBiH i Parlament FBiH na potpisivanje Memoranduma o saradnji sa Savezom općina i gradova FBiH koji bi trebao izraziti volju strana da zajednički rade na reformi lokalne samouprave i utvrđivanju oblika i metode te saradnje.
  5. Pozivamo vlasti da u procesu donošenja zakona i drugih propisa kojima se utvrđuju prava i obaveze jedinica lokalne samouprave vode računa o njihovoj usklađenosti s principima Evropske povelje.
6. Kongres ocjenjuje da najveću prepreku razvoju lokalne samouprave predstavlja nedovoljno razvijen institucionalni kapacitet. U cilju prevladavanja ovog problema, smatramo da je potrebno poduzeti:
- u Vladi FBiH formirati Ministarstvo lokalne samouprave i javne uprave ili transformirati postojeći Zavod za javnu upravu u Zavod za lokalnu samoupravu i javnu upravu i značajno ojačati njegov kapacitet.
  - također, neophodno je u proces kreiranja teorijske, naučno utemeljene osnove za reformu lokalne samouprave uključiti naučno-istraživačke institucije s univerziteta i sveučilišta u F BiH posebno u vezi s funkcioniranjem lokalnih vlasti, lokalnog ekonomskog razvoja i participacije građana u odlučivanju u javnim poslovima.
  - neophodno je ojačati kapacitete SOGFBiH u cilju kvalitetnog definiranja interesa i stavova općina i gradova F BiH i predstavljanja tih interesa na višim nivoima vlasti. U ovom kontekstu naglašena je važnost komunikacije općinskih i gradskih vlasti i

SOGFBiH u procesu donošenja zakona sa zastupnicima u kantonalnim skupštinama i parlamentu FBiH.

7. Pozivamo organe SOGFBiH da poduzmu sve potrebne korake u pravcu realizacije opredjeljenja sadržanih u ovoj Deklaraciji kao i realizaciju inicijativa i zahtjeva iznesenih na Kongresu lokalne samouprave u Neumu.

**Ova Deklaracija prezentirati će se javnosti u BiH.**

Neum, 7. 12. 2007. godine